



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joan. Henrici Meibomii De Cervisiis potibusque & ebriaminibus extra vinum aliis Commentarijs

Meibom, Johann Heinrich

Helmeftadii, 1668

Magnifico, Nobiliffimo, Ampliffimo Qve Viro Dn. Henrico Langerbecio Jcto  
Sereniff. Brunsv. & Lynaburg. Ducis D. Johannis Friderici Cancellario &  
Confiliario intimo, Domino fuo pl. obfervando Henricus ...

**urn:nbn:de:hbz:466:1-10160**



MAGNIFICO, NOBILISSIMO, AMPLISSI-  
MO QVE VIRO

DN. HENRICO LANGER-  
BECIO JCTO

*Sereniss. Brunsv. & Lynaburg. Ducis*

D. JOHANNIS FRIDERICI  
Cancellario & Consiliario intimo,

Domino suo pl. observando

HENRICUS MEIBOMIUS

S. P. D.



Circumspicienti mihi, quem posthu-  
mo huic scripto solito more patro-  
num eligerem, statim M. T. se inges-  
sit. Cum enim hoc seculo vivamus,  
quo periti imperitiq; de studiis promiscue ju-  
dicant: quicumque tamen ultra vulgus sapere,  
& ad antiquorum gloriam erigere se nituntur,  
censeri etiam sua ab iis maximè cupiunt, qui  
non tam auctoritate aliqua, quam iudicio id fa-  
cere possunt, quorumq; in iis rebus nota est pe-  
ritia.



ritia. Non est autem temere aliquis in his regionibus, qui non Te ingenio promptissimo, maximo rerum usu, incomparabili prudentia & præterea eruditione selectissima pollere nesciat; Qui non fateatur, Te esse Cancellarium, similem antiquis, qualis ante Te vix unus aut alter: non finitenim me verecundia Tua dicere, qualis nemo. Dum vero alii ex iis, quæ maxime sibi intelligere videntur, prudentia nimirum & rerum gestarum magnitudine Te æstimant, ego tamen Te in remissionibus quoque miror, eximiamque doctrinam Tuam suspicio, quæ cum inexhausta sit, augeri tamen semper desiderat: cumque nihil ferè nescias, tanta tamen cura omnia, etiam in litterarum studiis, inquiris, ac si nil omnino scires. Et verò facilem mihi veniam spondeo, quod homo studiis deditus, & illarum rerum minus peritus, quæ Te terrarum Diis gratum, nobis idcirco reddunt venerabilem, doctrinam potissimum in Te mirer, cum forte id ipsum fieri non detrectes. C. Plinius Secundus, Vir in Republ. Romana maximis auctus honoribus (cum eo enim libenter Te comparo, quia ut ille sui, sic  
Tu



Tu nostri seculi TRAIANO proximus es) fate-  
 tur in Epistola ad Maximum suum, frequenter  
 quidem se è senatu famam, qualem maximè o-  
 ptaverat, retulisse, nunquam tamen majorem,  
 cepisse voluptatem, quam cum intellexisset, se  
 inter primos eruditorum totius Urbis haberi,  
 nomenque suum, quasi litterarum proprium,  
 censeret. Quî Tibi quoque non placeat, Ma-  
 gnifice Vir, quod ex illis quoque studiis ubique  
 notissimus, quibus in simili fastigio ignoti sunt  
 alii? Præsertim, cum, si quis consideret actio-  
 num Tuarum & laborum catenam, nullam  
 horam studiis impendendam reliquam esse vi-  
 deat: si variam scientiam, nihil aliud, quàm  
 litteras per totam vitam Te tractasse judicet.  
 Tam est admirabilis Genius Tuus! tam in Te o-  
 mnia, veluti singula, summa reperiuntur. Sed  
 in Tuis laudibus frustra ero, sive eas extollere,  
 quæ per se sunt amplissimæ: sive recensere tan-  
 tum coner, cum sint innumeræ. Fatendum ta-  
 men iterum, hinc me impulsam ad librum  
 hunc Tuo nomine exornandum, ut cui parvum  
 à seipso pretium, à Tui nominis præscriptione  
 esset maximum: &, cum publici saporis non



fit, si tamen, (quod sperare forte invidiosum)  
 Tibi placeat, reliquorum posset esse judiciorum  
 securus. Hæc unica est, Magnifice Vir, am-  
 bitio mea, seu potius sollicita pro paterno libro  
 cura. Illud enim dicere non audeo, quanquam  
 verissimum sit, voluisse me hujus libelli inscri-  
 ptione ostendere, quàm grato animo maxima  
 Tua erga me recolam beneficia, cum innume-  
 ri litterati alii sint, quorum dos ingenii major,  
 qui Tuum favorem similiter experti, dignis  
 præconiis, oblatis monumentis, grati prædica-  
 rint: ut serus nimis ego ad Tuæ virtutis admira-  
 tionem accedam. Quin igitur rogo tantum,  
 ut quia studia colis plerumque, amas semper,  
 mihi etiam, meisque studiis porro faveas; qui  
 cum devotione erga Te cedam nemini, tum  
 ipse imposterum quotidie mecum novo erga  
 Te observantiæ genere decertabo. Dabam in  
 Academia Julia Idibus Jul. Anni MDC LXIIX.